



IKASLEEN ETA KONPROMISO SOZIALEKO ERREKTOREORDETZAREN I. DEIALDIA, DESGAITASUNARI ETA HEZKUNTZA-PREMIA ESPEZIFIKOEI BURUZKO GRADU AMAIERAKO LANETARAKO, ETA VII. DEIALDIA MASTER AMAIERAKO LANETARAKO «IZASKUN HERAS PRADO» SARIA IRAGARTZEKO.

1. DEIALDIAREN HELBURUA ETA EREMUA

1.1 Ikasleen eta Konpromiso Sozialeko Errektoreordetzak, EHUko Desgaitasunak dituzten Pertsonentzako Zerbitzuaren bidez, Izaskun Heras Prado sariaren I. ediziorako deialdia egiten du, desgaitasunari eta hezkuntza premia bereziei buruzko gradu amaierako lanak (GRALak) eta VII deialdia master amaierako lanak (MALak) saritzeko, horrela EHUko IV. Inklusio Plana (2024-2027) betez, zehazki III. ardatzeko 3.4 ekintza: "Kultura inklusiboa EHUko unibertsitateko kideen artean zabaltzea, eta gizartearen sentsibilizazioan laguntzea".

Saria inklusioa bultzatzeko sortu da, inklusioa ingurunea eraldatzeko prozesu bezala ulertuta, pertsona guztien eskubideak eta premiak izan ditzan kontuan, eta hartara gure unibertsitatea guztiontzako tokia izan dadin. Azpimarratu beharra dago helburu nagusia ingurua eraldatzea dela, eta ez pertsonak inguru horretara egokitzea, guztientzako diseinua eta irisgarritasun unibertsala oinarri hartuta.

Sari honen bidez Izaskun Heras Prado izan nahi dugu gogoan: EHUko ikasle izan zen, eta emakume aparta, aitzindaria desgaitasunak dituzten pertsonen inklusioa lortzeko unibertsitatean. Halaber, sari honekin gogoan hartu nahi ditugu desgaitasunak edo hezkuntza premia bereziak dituzten eta, Izaskun Herasen arrastotik, benetako inklusioaren alde egunerok lanean diharduten guztiak.

1.2 Deialdi honetara aurkeztu ahal izango dira 2025/2026 ikasturtean defendatu eta onetsiak izan diren gradu amaierako lan eta master amaierako lan guztiak.

2. ESKARIAK AURKEZTEKO ERA ETA EPEA

2.1 Eskariak **2026ko azaroaren 13ra** arte aurkeztu ahalko dira.

2.1.1 Lehendabizi, esteka honetan dagoen formularioa bete beharko da:

<https://www.ehu.es/eu/web/forms/shared/-/form/23052717>

Formularioari erantsi beharko zaio lana laburtzen duen eskema bat: justifikazioa, marko teorikoa, helburuak (gehienez bi orri).

Bigarrenik, formularioa UPV/EHUko erregistro elektronikoa aurkeztu behar da, helbide honetan: <https://egoitza.ehu.es/opencms/system/modules/sede/index?lang=eu>

Identifikazio elektronikorako sistema hauetakoren bat erabili beharko da: EHUko langileen ziurtagiri elektronikoa, lizenperen ziurtagiri digitala, NAN elektronikoa, edo Diruaren eta Zerga Zigiluaren Fabrika Nazionalaren ziurtagiria (FNMT-CERES). Era berean, eskaria aurkeztu ahal



izango da sektore publikoko beste edozein erakunderen erregistro elektronikoa eta, ohiz kanpoko kasuetan, erregistro gaietan laguntzeko EHUren bulegoetan, aurrez aurre. Erregistro gaietan laguntzeko EHUren bulegoetan aurkezten diren eskaerak eta dokumentuak digitalizatu egingo dira administrazio espediente elektronikoa sartzeko, eta jatorrizkoak interesdunari itzuliko zaizkio, interesduna funtzionarioaren aurrean identifikatu eta horrela jarduteko adostasun espresua adierazi ondoren, bat etorrita EHUko idazkari nagusiaren apirilaren Erabakian adierazitakoarekin, horren bidez onartu baitziren gai hauei buruzko jarraibideak: erregistro gaietan laguntzeko bulegoak; eskaerak, idatziak edo bestelako komunikazioak funtzionario publiko gaituaren bidez aurkeztea EHU; eta funtzionario publiko gaituen erregistroa.

2.1.2 Bide telematikoz bidalitako eskariak aurreko paragrafoan adierazitako prozeduraren bidez erregistratu ez badira, AURKEZTU GABEKOTZAT joko dira, eta saritik kanpo geratuko dira.

2.1.3 Eskaria bide telematikoz bidali ondoren, eta errespetatuz lanak aurkezteko ezartzen den epea, lanak posta elektronikoz igorriko dira discap@ehu.eus helbidera, formatu hauetako batean: doc, docx edo pdf. Lanetan bakar-bakarrik agertu behar da lanaren izenburua, ez bestelako identifikazio daturik (egilea, tutorea, gradua edo ikastegia). Mezuan adieraziko da lana zein jakintza adarretakoa den. (INOLA ERE EZ ESKARIA ERREGISTRATU AURRETIK)

2.3 Eskariarekin batera aurkeztutako dokumentazioari zerbait falta bazaio edo akats zuzengarriren bat baldin badauka, eskatzaileari hamar egun balioduneko epea emango zaio falta diren dokumentuak aurkezteko edo akatsa zuzentzeko, eta jakinaraziko zaio hala egin ezean eskaria artxibatu egingo dela bestelako tramiterik gabe.

3. SARIAREN ZENBATEKOA

3.1 GRAL sariak: lan sarituek sari hauek jasoko dituzte:

- 1. saria: iPad Air bat
- 2. saria: EHUdendaren txartel bat, 400 eurokoa.

3.2 MAL sariak: lan sarituek sari hauek jasoko dituzte:

- 1. saria: iPad Air bat
- 2. saria: EHUdendaren txartel bat, 400 eurokoa.

3.3 Saria emateke geratu ahal izango da, epaimahaiak hala erabakiz gero.

3.4 Desgaitasunak dituzten Pertsonentzako Zerbitzuak GRAL eta MAL irabazleak argitaratu ahal izango ditu bere webgunean zein prentsan.

4. EPAIMAHAIA

4.1 Epaimahaiak osakide hauek izango ditu, denak ere EHUkoak: inklusioaren gaian adituak diren hiru irakasle, Orientaziorako eta Hezkuntza Inklusiborako zuzendaria, Desgaitasunak dituzten Pertsonentzako Zerbitzuko kide bat eta graduko laugarren mailako edo masterreko ikasle bat, Ikasleen Kontseiluak izendatua.

4.2 Epaimahaiak iritzia eskatu ahal izango die epaimahaitik kanpoko profesional, ikertzaile edo espezialistei.

4.3 Eskariak baloratzeko irizpideak



Universidad del País Vasco Euskal Herriko Unibertsitatea

- Lanaren kalitatea eta horren barruan: helburuak behar bezala definituta izatea, datuak zorrotzasunez erabiltzea, lana zehaztasunez egitea eta azalpena argia izatea.
- Lanaren garrantzia eta originaltasuna, eta honen barruan: gaiaren, ikuspegiaren edo arloaren berritasuna; interesa; ikerketaren etikari dagozkion praktika onak erabiltzea; eta lotura izatea euskal gizartearekin.
- Baloratuko da lanak inklusioaren printzipioak aintzat hartzea, eta lana bera inklusioaren ikuspegitik eginda egotea. Era berean, kontuan hartuko da lanak zelako ekarpena egiten dion unibertsitate edo gizarte inklusibo baterako behar diren aldaketen gaineko eztabaidari, edo zelako aukerak dauden lanean proposatutakoa praktikan aplikatzeko.
- Halaber, aintzat hartuko da lanak egiten duen proposamenaren eragimen soziala eta irismena unibertsitatean eta gizartean oro har, ingurunearen egokitzapenari ematea lehentasuna eta ez mugatzea kasu partikularretara.

4.4 Epaimahaiaren erabakia apelaezina izango da.

5. EBAZPENA

5.1 Deialdiaren ebazpena **2027ko urtarrilaren 29an** argitaratuko da zerbitzuaren webgunean (<https://www.ehu.eus/eu/web/discapacidad/>).

5.2 Deialdi honetan parte hartzeak berez dakar oinarri hauek eta epaimahaiaren erabakiak beren osoan onartzea, eta modu espresotan uko egitea haien kontrako errekurtsioak jartzeari.

Leioan, sinadura elektronikoaren datan

Asier Blas Mendoza

Ikasleen eta Konpromiso Sozialerako Errektoreordea
Vicerrector de Estudiantes y Compromiso Social